

Ewigs

Refrain

Ewigs, wett i nid da bliibe stah

Ewigs, wett i nid so wiitergah

I sueche mir es Schwarzes Loch, won i mi chan verchrüche

Oder irgend e Egge uf dere Wält, won i rosarot chönnt striiche

1.

S'Läbe isch es Jammertal, und Jammere isch wie Pilzbefal

Jedefall vo Fall zu Fall geit's Läbe witer vo mal zu mal

Vo mal zu mal (3 x)

Nochli dänke s'Hirni usränke, ab däm wo isch und üs tuet länke

Gedanke tüe wanke wem söll me no danke für das wo nümm

i Ornig isch.

I Ornig isch (3 x)

2.

Wenn de Tod fiiret Aerntedank, nimi es Glas usem Schrank

Und schänke no e Campari i, das alles isch wie's immer isch gsi

Wie's immer isch gsi (3 x)

Wenn de Tod streckt sini Finger us, de wett i nomol mit Dir drus,

irgendwo mit Dir zämesi, nur du und i,

Nur du und i (3 x)